



Terz numer per portavelos

En il chantun Grischun po vegnir empustà in terz numer (d'immatriculaziun) per portavelos probablamain a partir dal 1 da mars 2022.

Il pretsch è 25 francs plus porto ed emballadi. Quest numer spezial po vegnir empustà mo en il format lad (50 x 11 cm).

Il numer per portavelos è ina copia dal numer principal davos ed ha, per impedir abus, ina color da basa cotschna empè d'alva, e n'ha nagina impurtanza giuridica autonoma.

Il numer cotschen per portavelos è facultativ. Vinavant èsi permess da fixar il numer davos dal vehichel da traziun vi dal portavelos.

Il numer po vegnir empustà ubain online ubain al spurtegl tar l'Uffizi per il traffic sin via dal Grischun a Cuira u a Samedan.

Infurmaziuns impurtant:

Pervia dal fitg grond dumber da dumondas per numers cotschens (per portavelos) na po il temp da furniziun displaschavlamain betg vegnir observà; il temp da furniziun n'è actualmain betg enconuschent (retard tar il furnitur). Empustaziuns per express n'èn betg pussaivlas. Numers cotschens vegnan tramess exclusivamain per posta, consegnas al spurtegl n'èn betg pussaivlas.

Cun la cumpra daventa il numer proprietad da la cumpradra u dal cumprader. In numer cotschen per portavelos po mo vegnir cumprà, sch'ins ha gia retratg ils numers alvs respectivs per in vehichel.

Il numer cotschen per portavelos na po betg vegnir deponì tar l'Uffizi per il traffic sin via.

Diever a l'exteriur

Il diever dal terz numer a l'exteriur sa drizza tenor il dretg ester. Guardai d'As infurmar tar il stadi correspondent avant Vossa partenza da la Svizra. Fin ussa han l'Italia, la Germania, la Frantscha, la Spagna, l'Austria, il Principadi da Liechtenstein, ils Pajais Bass, la Pologna, l'Estonia, la Norvegia e la Gronda Britannia communitgà lur renconuschientscha.

Link Formular online per empustar il numer

[Empustaziun da numers d'immatriculaziun da reserva \(fabricaziun nova\) \(gr.ch\)](#)